

لجلكِ بلادي



دكتور
محمد عبد السلام



لجل بلادي

ديوان شعر بالعامية

تأليف

د / محمد عبد السلام



رقم الايداع بدار الكتب القومية


٢٠١٩ / ٧٧٢٦



اهداء

إلى حبي الأول والأخير

مصر



الفهرس

الصفحة	الموضوع
١٠ - ٧	يا أم التلاته حروف
١٣ - ١١	السلام
١٤	العيش
١٧ - ١٥	مصر والسلام
١٩ - ١٨	ذكري أكتوبر
٢٢ - ٢٠	عنيك
٢٦ - ٢٣	حروفك يا مصر
٢٨ - ٢٧	قتلوا عزه

٣٠ - ٢٩	اتقبلنا
٣٥ - ٣١	بعشقاك
٣٧ - ٣٦	الدنيا
٤٠ - ٣٨	اسمك يا بلدي
٤٢ - ٤١	قصة
٤٤ - ٤٣	زجال
٥٢ - ٤٥	لجل بلادي
٥٥ - ٥٣	على رملة سينا
٥٦	شهريار
٥٩ - ٥٧	نفسي أغني

٦٢ - ٦٠ طريق الألف ميل

٦٦ - ٦٣ أيو أنا

٦٨ - ٦٧ لو فيه حب

٧١ - ٦٩ بلدنا محتاجه

٨٥ - ٧٢ رباعيات



يا ام التلاته حروف

انا حبي ليكي يا مصر

فوق الكلام والوصف

دا انت في عروقي يا مصر

مكتوبة حرف بحرف

يا ام التلاته حروف

في حضنك انسى الخوف

في عنيك ياما لقيت

ولسه ياما بشوف

دا انت النجوم والشمس



وانت الكلام والهمس
دا انت اللي جاي وانت
بكره كمان والامس
اديا تحضن ايدك
اشرب حنان نيلك
اتوه يا غاليه سنين
وارجع اغنيك
في بحور غرامك شايف
احلى عيون وشفاف
ضميني يلا في حضنك



ضميني لحسن خايف

مهما الزمان هيخدني

بتنادي يلا يا ابني

وشعورها اه تنزل

تمسح شقى صدري

النيل وفرعينك

والبحر لون عينك

وكل احبابك

في القلب شيلينك



عدي الحدود والحصر

بكره هيجي النصر

يلا في صوت واحد

يلا نغني لمصر

يلا نغني لمصر



السلام

السلام حلم الغلابة

انقتل جو غابة

وفيه عزومة للديابة

ولا مهابة

مين هناك ؟

دي النيابة

بتحقق ويا العصابة

روحتهم بالسلامة ولا ملامة

السلام زورة اتنبج

من المنادية

السلام سكت ادبح

بطل مناحيه

بطل ندومه

السلام حلم الامم

حلم المكن جو المصانع

السلام طفل اظلم

طفل السكن منه ضايح

السلام حلم الطيور

حلم السمك جو البحار

السلام داير مدور

فرحان بعودة الانتصار



السلام دا بيت صغير

فيه انام

فيه هزار مش صوت كلام

مش صوت مدافع ولا زحام

السلام دا حضن امي في

النجاة

السلام دا كل همي في الحياة

السلام دا شعار بلادي

السلام دا حضن دافي

فيه انام



العيش

اقف في الطابور

ايدك راح تزور

ايد عمك سادات

نفسى في كام رغيف

مصبح على الرصيف

بشتري في جواز حاجات

مراتي هتعتبني

وتقولي روح اجري

قدام الشغلات

مصر والسلام

اظهر عزيمة قوتك

خلف قدام السنين

قول دي الحضارة اللي اتبنت

بايدين مصروة عرفتين

احمس وخوفو ومنقرع

وقلوب كتيره مؤمنيين

مؤمنين بالسد والنيل والهرم

وسلام حمامة بجناحين

وزتونة حلوة مفرعة



ع القدس والقلب الحزين

وجذورها تثبته متبته

في قلوب مصروة طيبين

جوم وقالوا هيندفن

رغم الدموع رغم الانين

جوم وقالوا هينقتل

يايدين شمون وبنيمين

لكن يا مصري اصلب

متحنيلهم جبين

ادفن سلامك تربتك

خلي العيون بالسلام متشربين



خلي سلامك يزدهر
واحصد نجومه الدبنيين
دا السلام حلم الامم
حلم العيال النعسنين
ومصر بتنادي بسلام
لجل ما يعود الحنين

ذكري اكتوبر

النهاردة راح اغني وراح اعيد

النهارده ذكرى جاية

بألف عيد

كل طفل راح يردد

م البحيرة للصعيد

فلاحين بالجلابية

وموظفين درجة اولى ودرجة

تانية

كله بيغني النشيد

والصنيعي على المكينا



واللي بيصتاد ع السفينه

كله بيغني النشيد

والتلامذه في المدارس

والممثل في الكوالس

كله بيغني النشيد

وانا وانت يا حبيبتى

نسينا ايامنا الحزينة

توهنا في زحام المدينة

واحنا بنغني النشيد

بلادي بلادي

لك حبي وفؤادى



عنيكي

يا كل حياتي

يا دقة بتسري من دقاتي

انت يا حلوه

انت الماضي وكل الاتي

ياللي فنتني بحبك قلبي

لا قادر اداري ولا قادر اخبي

دا انت حياتي

عينك ساحرة وملها نهاية

عينك قصة وalf حكاية



فيها افراحي وكل اهاتي

فيها الماضي وكل الاتي

ياللي عيونك

لحن وغنوة وكام موال

ياللي عيونك

اشعار حلة تتألف فيها

الازجال

ومهما قلنا الف قصة او

اشعار

ومهما قرانا كتب البحر او

الابحار

ومهما دوقتنا حلوة الجنة والا
عذاب النار

ومهما الدنيا دارت بينا

او تجبنا وتودينا

برجع لك

وبين ايدك

بحلف اني

مقدر اوصف نني عنيك

حروفك يا مصر

حروفك يا مصر

في انين الحرب

وفي صوت الجنين

فوق رمال سيناء

والوادي الامين

وفي كلام الهوا

وفي دقة الحنين

وفي طلقة بندقية

وفي جمعة مسلمين

حروفك يا مصر مكتوبة ع
الجبين

حروفك يا مصر

تاه فيها كام زجال

وكتبوا ع الرمل يا امه

بالدم كام موال

وقاموا دفعه وحده

وقاموا الاحتلال

واللي يعشقك

م يخاف من الترحال

وحب حروفك يا مصر جبني

هنا في الحال

حروفك يا مصر
شيلها في عضمي وضلوعي
شيلها جو قلبي
وعلى جدران قلوعي
بغني لك انت
وتهمنيش دموعي
وسفنتي هي انت
وانت برضه شروعي
وعلى حروفك يا مصر نورت
كل شموعي
حروفك يا مصر

عائشه طول الزمن

عائشه جو قلبي

مهما طال التمن

اشيل يا امه ريتك

وفي ارضك ادفن

رحتك لسه فيه

وانا ملفوف في الكفن

وعلى حروفك يا مصر موتي

مش تمن

قتلوا عزه

قتلوا عزه في حزن غزه

والجبل م اتهز هزه

لسه صامد من سنين

قتلوا عيسى في حزن أمه

جددوا في القلب همه

واشهدي يا دير ياسين

يا حبيبتي أنا لسه فكرك

يوم ما جيت ومعايا مهرك

جبته بعرق الجبين

يا حبيبتي أنا لسه شايف

ضحكتك فوق الشفايف

بلسم جراح المجروحين

احضني الشهيد وقومي

لبسيني تاني توبي

واقري سورة يس



اتقبلنا

اتقبلنا بعد فترة
ووقفنا نبص لحظة
وافتكرونا اننا
يوم ظلمنا قلبنا
وافتكرونا اللي عدى
من غرامنا وحبنا
واتقبلنا والايدين لمست ايديها
والعين شافت عنيتها
وافتكرونا الذكريات
وافتكرونا اللي فات

واتعتبنا من سكات
واتعتبنا واحنا لسه في الطريق
واتعتبنا وكل واحد قال برئ
وقبل ما تفارق ايدينا بعضها
بصت عيوننا لبعضها
والايدين سابت ايديها
والعينين تاھت عنيا
وانتها بينا الكلام
وابتدا بينا الختام
وتھنا تاني في الزحام

بعشقتك

بعشقتك عشق اليمامة لغصنها

بعشقتك عشق الام لطفلها

وبحضنك حضن الغناوي

اللي بتحضن لحنها

وبعشقتك كيف الطيور لعشها

اد كل دا انا بعشقتك

وبعشقتك عشق المغنواوي

لعودة واوتارة الحزينة

وبعشقتك كيف اللي غنى ع

الربابا



واللي عبر ويا السفينة
وبعشقتك وسط جموع الخلق
وفي وسط المدينة
وبعشقتك ويا حروف المطبعة
ويا المكينة
اد كل دا انا بعشقتك
وبعشقتك كيف التلامذه
اللي بتعشقتك درسها
وبعشقتك كيف ابن عمي وابن
خالي
واللي ساكن ارضها

وبعشقتك كيف اللي وسط
الحرب

ردد باسمها

وبعشقتك كيف اللي خطى فوق
رمال المستحيل

وكمل حلمها

اد كل دا انا بعشقتك

وبعشقتك تحت دقات الشمس

وتحت اللهب

وبعشقتك وشمسك عنك

مش راح تغيب

وبعشقتك قبل ما ارحل



وقبل ما يخذني المغيب

ويعشقتك والشفاف ع

الشفاف

وكاس الحب ويا الحبيب

اد كل دا انا بعشقتك

ويعشقتك كيف السمار

اللي زي ايد الفلاحين

ويعشقتك كيف اللي لحن ع

الربابا

واللي عمل صوت الرنين

ويعشقتك كيف اللي هاجر

واللي سافر

وقلبه راجع بالحنين

ويعشقتك واسمك انت لحن يا

امه

وكلمة حلوة ع الجبين

اد كل دا انا بعشقتك يا مصر

الدنيا

لها نفس الدقة

ونفس الطعم

ونفس رنين الحزن

ونفس طبول الهم

تضحك مرة

ومرة تكشر

مين هي حزر فزر

تاها في انغمها

السميعة

ودابت مخلبها الوديعة

وعرفت مين هي

بعد الهم وبعد الغم

تضحك مرة

ومرة تكشر

مين هي حزر فزر

طرقتها مفروشة بخراب

وبيبنا مدهونة بضباب

والابتسامة منها

ادمان وشم

تضحك مرة

ومرة تكشر

مين هي حزر فزر

اسمك يا بلدي

اسمك يا بلدي ع الجبين

في كل وقت وكل حين

ويعلنه ديما قرار

اسمك يا بلدي ع التابوت

حالف عشانه لازم اموت

لجل ميعشش كل دار

اسمك يا بلدي

دم بيجري في العروق

في الصباح وفي الظهرية



وفي الشروق

في ليل او نهار

اسمك يا بلدي

في كل عقل وكل راس

مع كل كلمة قلم

مع كل دقة فاس

بتنادي بالانتصار

اسمك يا بلدي

ميه تجري في القنال

تزلزل عدونا



المستعمر المحتال

وتنادي ع الاحرار

اسمك يا بلدي

ع كل مدنه وكل جامع

كله بيهتف وانا سامع

حتى السمك جو البحار

قصة

راح تعيشي معايا قصة
م البداية للنهاية
من عنكي خدت بصره
تهت في بحوري وسمايا
ياللي عشك جو دمي
راح الف فيه واغني
لجل حبك يكون دوايا
مدي ايدك مدي مدا
خلي قلبك يهدي هذا

موج عنيكى عليه عدى

خلا حبك يكون هوايا

ليه فى قلبك بشوف شجون

ودمع نايم فى العيون

ياللى حبك راح يكون

معايا قصة

م البداية للنهاية



زجال

عنيك بتفكرني بالقنال

وحدودك بتفكرني بالثورة
وجمال

وشعرك بيفكرني بمصطفى
اللي قال

لو مكنتش مصري لعزت ابقى
مصري

ورملك بيفكرني باسد شرقاوي
قاوم الاحتلال

غناله رشدي وعبد الحليم في
سالف الاجيال



والدم الاحمر كاتب ع الرمل
كام موال

وانا عشقك يا بلادي ومن
عشقك بقيت زجال

لجل بلادي

ان كنت عايزه فلاحين

عندك الاف امثال حسين

واسماعين

وان كنت عايزة الشفيعيين

اللي ايديهم خلت صخور

الجبل تلين

اهم يا مصر

وان كنت عايزه تروس مكينة

او مجداف لـ ١٠٠ سفينة

او قبطان يعديك لشاطئ ومينا

اهم يا مصر

وان كنت عايزه باشویش

ليل نهار عمله مينتهيش

فيه جريمة يقول مفیش

اهم يا مصر

وان كنت عايزه جنود تحقق

الانتصار

مش بالسلاح وبالسلاح لو

حد جار

وقت العمل تعمل سدود لجل
توقف الانهيار

اهم يا مصر

وان كنت عايزة من يخضر
الصحاري

يبذر بذوره ويعطيها حبة
تقاوي

يحفر ليالي في السواقي
والمراوي

اهم يا مصر

وان كنت عايزه شباب جسور

صنعوا من الامل جسور

جسور

هبوا للعمل بدون فطور

اهم يا مصر

غني يا ابن عمي

همك انزاح وهمي

وقف يا نهر دمي

وغني لمصر امي

مصر راح تكون

بالعلم والبنون



محروسة من العيون

للحزن نبني سدود

ونموت لمصر شهود

لجل الفرحة تعود

علو يلا يا بنين

واغزلوا توب الحنين

لجل بكره والسنين

خطوة يلا للامام

طير وغني يا حمام

لجل مصر والسلام

طير يا عاشق سينا والوادي
الجديد

اهتف باللي علا وخلا السد
حديد

واحلف بالقتال ومجاهدة
بورسعيد

محلّي يا بلادي

وانت في فؤادي

بحرك الساري

ونيلك الهادي

اسقيني منه اسقيني



يا لحن اعيادي

جميلك الوافي

شيله على راسي

قلمي وكراسي

ومعايا ارضي وفاسي

وحبك اه يا بلادي

غطي احساسي

يلا يا بن الخال

نغير الاحوال

والحزن ولى وزال

لجل اولادي

يلاي ابن العم

واحننا كم وكم

نعود بلا هم

لجل بلادي



على رملة سينا

على الرملة قايد قناديلي

على الرملة بفرد مناديلي

قومي يلا يا بلادي

قومي غني ونديلي

يا سينا يا بلادي يا حلوة

روحي في رمالك كامنه

حالف يا بلدي لغنيك

ألف و ٣٠٠ غنوة

من زمان من قبل خوفو



اسمك يا بلدي وحروفه

مطرح ما أكون

قلبي يشوفه

والسد والنيل والقلعة

وأهرامات الجيزة الطالعة

يشهدوا يا بلادي إنك

عروسة بسبع تلاف شمعه

دا الجندي الاسمر يا بلادي

حالف يكثر أعيادي

حالف ليزرع في الصحرا



وينور في جنوب الوادي

الشعب حالف ليشيك

وأدي التلامذه بتهديك

وأنا وحببتي يا بلادي

حالفين نقوم نغنيك



شهر يار

على الكمنجا وعلى الجيتار

قلب حب وعقله طار

لما شاف الحلوة ماشيه

بالنهار

قال يا ليلي وقال يا عيني

وقال يا جنبي

قال يا حلوه يلا تعالي جنبي

لجل نبقى في انبهار

وأحط ايدك على ايدي

وأقول لنار الحب قيدي

لجل أبقى شهر يار



نفسى أغني

نفسى أغني

عن ولادي

عن بلادي

عن ماضيه

وعن السعادي

نفسى أغني

عن جمالك يا صبيه

والعيون الحلوة ديه

والبيوت والمشربية

والرجال اللي في نضالك



علو شمسك فوق نهارك

خلو علمك فوق قتالك

يغني للدنيا اللي جايه

نفسى أغني

ع الجوامع والكنائس

ع المصانع والمدارس

والبنات أم العرايس

عن لياليك اللي نورها المحال

عن صحاريك اللي خضرها

الرجال



عن غناويك اللي بتقولها
العيال

والصحبجيه

نفسى أغني

ع اللي من نيلك دا شارب

ع المراكبة والمراكب

واللي ماشي واللي راكب

ع الرجال اللي في غطانك

ع الكيزان اللي في عيدانك

ع التحدي اللي في شبابك

يرسم الفرحة البهية



طريق الألف ميل

طريق الألف ميل

خطوة تبدءه

والحب ملوش دليل

لو صدق نصدقه

وقلبي اللي زمان معاك

دوب عمره في هواك

دا نظره من عنيك

في لحظة ترجعه

حبي مكتوب عليه



تبكي ديما عنيه
من أغلى الناس عليه
ما انتم أغلى ناسه
وانتم برضو خلاصه
وبعادكم بوجعه
فاكره سهر الليالي
وأحلا كلام الغناوي
بايدك يا حبيبيتي
كسرت كل المعاني
متقوليش لحظة غضب

قلبك هو السبب

وخلص هودعه

فاكره يا حبيبي

سفنتي م الورق

كانت وياك إنت

تمنعي م الغرق

ما انت حبي وكياني

وانت ضحكة زماني

ووياك بنخلق

أيو أنا

أيو أنا

اللي إيديه لمست إيديك

هو أنا

واللي عنيه شافت عنيك

برضو أنا

طب يبقى ليه

البعء ليه

العمر إيه



غير كام سنه

أيو أنا

اللي كان وسط العذاب بيديك
حبه

اللي عشان نظرة عنيك ضحى
بقلبه

اللي ياما عليك نادى

اللي كان ملهوش إرادة

أيو أنا



اللي زمان ضحيت عشانك
بالهنا

أيو أنا

اللي كان رغم الدموع بخلق
فرح

اللي بحلم بالرجوع رغم قلبه
اللي انجرح

اللي ياما حن لك

اللي داب جو عنيك

أيو أنا



اللي عنيه كانت بتحلم بالهوا

طب يبقى ليه

البعد ليه

العمر إيه

غير كام سنه

لو فيه حب

لو فيه حب

يخلا العالم م الاحزان

نقدر نصمد في الفيضان

يقدر طيرنا العالي يغني

حتى ولو من غير ألحان

لو فيه حب

نقدر نعبر جسر الخوف

نقدر بكره الجي نشوف

حبي الانسي لأخوة الانسان

لو فيه حب

يقدر يبقى القاسي حنون

ينسى الدمع دا أي عيون

يملى الخير الناس والكون

لو فيه حب

بكره الليل يبقى له نهار

تنسى دموعك تنسى النار

يصمد قلبك ولا ينهار

لو فيه حب



بلدنا محتاجه

بلدنا حلوه معسله

زي البنت أم صغيره مدلدله

بلدنا محتاجه الايديين

اللي تزرع فدانين

بلدنا محتاجه لحسين

اللي في غيطه من سنين

يزرع الحبه تخضر

م السنابل فادادين

يضرب الارض بفاسه



تطرح جناين علو راسه
ويعود لأهله بالحنين
بلدنا محتاجه لجندي
يوم العدا يفدي ولدي
ويقول أنا حصنه الحصين
بلدنا محتاجه لقلب صافي
مهما يحصل يقول عوافي
ويداوي القلب الحزين
بلدنا محتاجه لطبيب
وصفه للدوا عجيب

ويداوي جراح المجروحين

بلدنا محتاجه لبنات

زي سكر النبات

وأخلاقهم متكونش طين

بلدنا محتاجه لسواعد

تتكاتف تعمل قواعد

لجل م يموت الانين

وأدي غنوه أصلها

للمصروه الطيبين

رباعيات

بلف في السواقي

وبعدي ميت مساقى

ورغم كل الحظر

هموت بين رفاقي

وعجبي

موج الحب ملا فاه

زعمق الولد قال آه

ولما داق الحب

قعد يقول الله الله

وعجبي



أنا قلت من حسرتي الله يكون
في العون

كل يوم يموت آلاف في
الكون

لو خلد حد يا بني

كان خلد فرعون

وعجبي

كان نفسي أبقى سياسي كبير

يحرصني ألف ألف وزير

من كلمة وحدة في السياسة

م حصلت حتى غير

وعجبي

قعدت أسأل الشاويش

ازاي ازاي أعيش

قالي الحكاية إن الحياة

بتبص للجزمة والورنيش

وعجبي

هبت من شمال الاخلاق رياح

وسمعت جو الغابة صياح

قلت مين؟ ... قالوا

بنت القرية أصبها كساح

وعجبي

قالوا نيلنا عمره طويل
وفي فيضانه أسد ملوش مثيل
دلوقتي ... يا ترى
هو القاتل؟ وألا القتيل

وعجبي



الناس بيقتلوا في بعض تقتيل

على المال بقوا مهاويل

إحنا في عصر النهضة

وألا في عصر هويل

وعجبي

عائز أعيش

مهما يحصل ميهمنيش

قالتلي الحياة

لازم يكولك مخالب وريش

وعجبي

بقح في الشوارع

والكل لصوتي سامع

أنا قلت م الدخان

هقح بدون موانع!؟

وعجبي

شحات: حسنه لله يا سيدي

موظف: اتنين جنيه مهيتي

باكل عيش ودقه

والأخر أمد إيدي

وعجبي

ألفت كام كتاب

لحد ما شعري شاب

وفي الحياة يا ناس

ما فتحت حتى باب

وعجبي



بين حلمي وبين آمالي

سهرت ياما ليالي

وفضلت أجري أجري

ووقعت م العلامي

وعجبي

الحق ضاع وسط الطريق

والظلم ولع فيه حريق

من لقاہ كأنه لقی

في البحر جسمان الغريق

وعجبي



يا حبيبتي أنا لسه شايف

ضحكتك فوق الشفايف

بلسم جراح المجروحين

احضني الشهيد وقومي

لبسيني ثاني توبي

واقرني سورة يس

